

ხელშეკრულება N09/010  
სახელმწიფო შესყიდვის შესახებ

11 სექტემბერი 2015 წელი

თბილისი

ერთის მხრივ, სსიპ „საქართველოს შოთა რუსთაველის თეატრისა და კინოს სახელმწიფო უნივერსიტეტი“ შემდგომში „შემსყიდველი“, ადმინისტრაციის ხელმძღვანელის მოვალეობის შემსრულებლის ზაზა აბულაძის სახით და მეორეს მხრივ, შპს არტპალასი შემდგომში „მიმწოდებელი“, წარმოდგენილი გენერალური დირექტორის მაკა შავგულიძის სახით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის ს<sup>1</sup> ქვეპუნქტის და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ კონკურენციისა სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-3 მუხლის პირველი პუნქტის „ა“ ქვეპუნქტის შესაბამისად ვდებთ წინამდებარე ხელშეკრულებას შემდეგზე:

**1. ხელშეკრულების საგანი**

1.1 მიმწოდებელი იღებს ვალდებულებას ამ ხელშეკრულების პირობების თანახმად გაუწიოს შემსყიდველს ხელშეკრულების 1.2 პუნქტში მითითებული ბეჭდვითი მომსახურება.

1.2 როლაფ ბანერის ბეჭდვა. ზომა 1X2 მეტრი.

- CPV 79800000.

1.3 შემსყიდველი იღებს ვალდებულებას აუნაზღაუროს მიმწოდებელს ხელშეკრულების ფასი ხელშეკრულებით განსაზღვრულ ვადებში და ფორმით.

**2. ფასი და გადახდის პირობები**

2.1 წინამდებარე ხელშეკრულების საერთო ღირებულება შეადგენს: 130.00 (ას ოცდაათი) ლარს.

2.2 ამ ხელშეკრულების 1.1, პუნქტის შესაბამისად შეთანხმებული მომსახურების ერთეულის ფასი და საერთო ღირებულება შეიცავს მიმწოდებლის ყველა ხარჯებს, დაკავშირებულს მომსახურების გაწევასთან, ასევე კანონით გათვალისწინებულ გადასახადებს.

2.3 მომსახურების ღირებულების ანაზღაურება მოხდება მიღება-ჩაბარების აქტის საფუძველზე მომსახურების გაწევის შემდეგ.

**3. ხარისხი**

მიმწოდებელი პასუხს აგებს მიწოდებული მომსახურების ხარისხზე, ხოლო შემსყიდველი უფლებამოსილია ჩაატაროს ხარისხის კონტროლი ხელშეკრულების პირობების შესაბამისობასთან/ მომსახურების გაწევისას, თუ ამ პერიოდში აღმოჩნდება უხარისხო (წუნდებული) მომსახურება მიმწოდებელი ვალდებულია დაუყონებლივ გამოასწოროს წუნდებული მომსახურება ან დაუბრუნოს შემსყიდველს აღნიშნული მომსახურების ღირებულება.

**4. მიწოდების წესი**

4.1 მომსახურების გაწევას უზრუნველყოფს მიმწოდებელი, ხელშეკრულების გაფორმებიდან არაუგვიანეს 2015 წლის 15 სექტემბრისა.

4.2 მიმწოდებელი ვალდებულია მომსახურების გაწევისას უზრუნველყოს თანმხლები დოკუმენტაციის წარმოდგენა.

4.3 მიმწოდებელი ვალდებულია გაუწიოს შემსყიდველს უფლებრივად უნაკლო მომსახურება.

4.4 შემსყიდველი უფლებამოსილია მომსახურების გაწევის დროს ჩაატაროს მომსახურების კონტროლი, რისთვისაც გამოყოფს უფლებამოსილ პირს: ჯაბა სიხარულიძეს, რომელიც აგრეთვე უფლებამოსილია ჩაატაროს ხელშეკრულების პირობების შესრულების ინსპექტირება, ხოლო მიმწოდებელი ვალდებულია ხელი შეუწყოს ინსპექტირების ჩატარებას.

4.5 შემსყიდველი უფლებამოსილია განაცხადოს უარი დაგვიანებით გაწეული ან/და უხარისხოდ (წუნდებული) ან/და არასრული თანმხლები დოკუმენტაციის მქონე მომსახურების მიღებაზე და მის ანაზღაურებაზე.

4.6 მომსახურების გაწევა დასტურდება ორივე მხარის მიერ ხელმოწერილი მიღება-ჩაბარების აქტით.

## 5. ანგარიშსწორების წესი

5.1 შემსყიდველი იღებს ვალდებულებას გადაუხადოს მიმწოდებელს გაწეული მომსახურების ღირებულება მომსახურების გაწევის პერიოდის შემდეგ 15 (თხუთმეტი) სამუშაო დღის განმავლობაში მიღება-ჩაბარების აქტის და მიმწოდებლის მიერ წარმოდგენილი საგადასახადო ანგარიშ-ფაქტურის საფუძველზე, მასში აღნიშნული ოდენობის შესაბამისად.

5.2 ანგარიშსწორების ვალუტა - ლარი.

5.3 გადახდის ფორმა - უნაღდო ანგარიშსწორებით.

5.4 გადაცემის თარიღად ითვლება მიღება-ჩაბარების აქტის ხელმოწერის თარიღი.

## 6. მხარეთა პასუხისმგებლობა

6.1 თავიანთი ვალდებულებების არასათანადოდ შესრულების შემთხვევაში მხარეები პასუხს აგებენ ამ ხელშეკრულებითა და მოქმედი კანონმდებლობით გათვალისწინებული წესით.

6.2 შემსყიდველი უფლებამოსილია მიმწოდებლის მიზეზით ხელშეკრულებით დადგენილი მომსახურების გაწევის ვადის დარღვევით მიწოდების შემთხვევაში, დააკისროს საურავი ყოველ გადაცილებულ დღეზე ხელშეკრულების საერთო ღირებულების 0,1%-ის ოდენობით, ხოლო თუკი ადგილი აქვს ვალდებულების ნაწილის შეუსრულებლობას, ვალდებულების შეუსრულებელი ნაწილის 0,1%-ის ოდენობით ყოველ გადაცილებულ დღეზე.

6.3 მხარეები გამოიყენებენ ყველა შესაძლებლობას წარმოქმნილი უთანხმოების აღმოსაფხვრელად მოლაპარაკების გზით. უთანხმოების მოლაპარაკების გზით აღმოფხვრის შეუძლებლობის შემთხვევაში მხარეები მიმართავენ სასამართლოს.

6.4 მხარეები არ აგებენ პასუხს ხელშეკრულების პირობების შესრულებაზე მხოლოდ მათგან დამოუკიდებელი სტიქიური უბედურების ან სხვა ფორს-მაჟორულ შემთხვევაში.

## 7. ფორს-მაჟორი

მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

## 8. სხვა უფლებები და ვალდებულებები

8.1 შემსყიდველი უფლებამოსილია არ მიიღოს გაწეული მომსახურება ან მისი ნაწილი (მომსახურების ნაწილში ნაკლოვანებების არსებობის შემთხვევაში) იმ შემთხვევაში, თუ აღმოჩნდება ნაკლოვანებები, რომლებიც გამოიწვევენ მომსახურების გამოყენებას დანიშნულებისამებრ.

8.2 იმ შემთხვევაში, თუ შემსყიდველი უარს განაცხადებს მიღება ჩაბარების აქტის ხელმოწერაზე, იგი ვალდებულია 5 (ხუთი) სამუშაო დღის განმავლობაში წარუდგინოს წერილობით მიმწოდებელს დასაბუთებული უარი, წინააღმდეგ შემთხვევაში მომსახურება ითვლება მიღებულად და ექვემდებარება ანაზღაურებას.

8.3 შემსყიდველი უფლებამოსილია მოშალოს ეს ხელშეკრულება ცალმხრივად, თუ მიმწოდებელი ვერ უზრუნველყოფს თავის ვალდებულებების ჯეროვან შესრულებას ან მოქმედი კანონმდებლობით გათვალისწინებულ სხვა შემთხვევაში:

8.3.1. თუ მიმწოდებელი ვერ უზრუნველყოფს თავისი მიზეზით ხელშეკრულებით გათვალისწინებულ ხარისხიანი მომსახურების დადგენილ ვადებში გაწევას;

8.4 ხელშეკრულების დამრღვევი ერთი მხარე ვალდებულია წერილობით შეატყობინოს მეორე მხარეს ხელშეკრულების დარღვევის მიზეზებზე, საკითხის გადაწყვეტობის შემთხვევაში ხელშეკრულების გაუქმება ხდება 5 (ხუთი) სამუშაო დღის ვადაში.

## 9. სხვა პირობები

9.1 ეს ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს მხარეთა მიერ ნაკისრი ვალდებულებების სრულ შესრულებამდე, მაგრამ არა უგვიანეს 2015 წლის 30 ოქტომბრისა.

9.2 ხელშეკრულებაში დამატებების ან/და ცვლილებების შეტანა შესაძლებელია მხოლოდ „სახელმწიფო შემსყიდველის შესახებ“ საქართველოს კანონით გათვალისწინებული ფორმით, მხარეთა უფლებამოსილი წარმომადგენლების ხელმოწერით.

9.3 ორივე მხარე უფლებამოსილია მოძალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან მოქმედი კანონმდებლობით გათვალისწინებულ სხვა შემთხვევაში, რაზედაც მხარემ წერილობით უნდა შეატყობინოს მეორე მხარეს 2 (ორი) სამუშაო დღით ადრე.

9.4 წინამდებარე ხელშეკრულება შედგენილია ორ თანაბარ იურიდიული ძალის მქონე ეგზემპლარად. ერთი ეგზემპლარი ინახება შემსყიდველთან, ხოლო მეორე მიმწოდებელთან.

10. მხარეთა იურიდიული მისამართი და ხელმოწერა:

„შემსყიდველი“ სსიპ „საქართველოს შოთა რუსთაველის თეატრისა და კინოს სახელმწიფო უნივერსიტეტი“

საიდენტიფიკაციო კოდი: 203851028

მისამართი: თბილისი, რუსთაველის გამზ. N19

ტელეფონი: 2 98 30 79

ბანკი: სახელმწიფო ხაზინა

ბანკის კოდი (მფო): TRESGE22

ანგარიშის N: 200122900

„მიმწოდებელი“ შპს არტპალასი

საიდენტიფიკაციო კოდი: 406076561

მისამართი: თბილისი, გიორგი სააკაძის მეორე გასასვლელი, N4

ტელეფონი: (032) 205 35 75

ბანკი: სს"ვითიბი ბანკი ჯორჯია"

ბანკის კოდი (მფო): UGEBGE22

ანგარიშის N: GE17 VT660 00 0383 380 3602

იურიდიული მისამართის ან/და საბანკო რეკვიზიტების შეცვლის შემთხვევაში მხარეები ვალდებული არიან 3 (სამი) სამუშაო დღის ვადაში წერილობით აცნობონ ერთმანთს ამის შესახებ.

„შემსყიდველი“

სსიპ „საქართველოს შოთა რუსთაველის თეატრისა და კინოს სახელმწიფო უნივერსიტეტი“

„მიმწოდებელი“  
შპს არტპალასი



მიღება-ჩაბარების აქტი N09/010-1

თბილისი

14 სექტემბერი 2015 წ.

ერთი მხრივ, სსიპ - საქართველოს შოთა რუსთაველის თეატრისა და კინოს სახელმწიფო უნივერსიტეტი შემდგომში „შემსყიდველი“, ჯაბა სიხარულიძეს სახით, რომელიც მოქმედებს საქართველოს კანონმდებლობის საფუძველზე და მეორე მხრივ, შპს არტპალასი შემდგომში „მიმწოდებელი“, წარმოდგენილი გენერალური დირექტორის მაკა შავგულიძის სახით, რომელიც ასევე მოქმედებს საქართველოს კანონმდებლობის საფუძველზე, 2015 წლის 11 სექტემბრის N09/010 ხელშეკრულების შესაბამისად ვადგენთ მიღება-ჩაბარების აქტს მასზედ, რომ მიმწოდებელმა გაუწია ხოლო შემსყიდველმა მიიღო ხელშეკრულებით გათვალისწინებული ბეჭდვითი მომსახურება სრულად, საერთო ღირებულებით 130.00(ას ოცდაათი) ლარი.

მიღება-ჩაბარების აქტი შედგენილია ორ თანაბარ იურიდიული ძალის მქონე ეგზემპლარად. ერთი ეგზემპლარი ინახება შემსყიდველთან, ხოლო მეორე მიმწოდებელთან.

„შემსყიდველი“  
სსიპ - საქართველოს შოთა რუსთაველის  
თეატრისა და კინოს სახელმწიფო  
უნივერსიტეტი

„მიმწოდებელი“  
შპს არტპალასი



განცხადება

ინტერესთა კონფლიქტის არარსებობის შესახებ

თბილისი, 11 სექტემბერი, 2015 წელი

სსიპ - საქართველოს შოთა რუსთაველის თეატრისა და კინოს სახელმწიფო უნივერსიტეტის ადმინისტრაციის ხელმძღვანელის მოვალეობის შემსრულებელი, შესყიდვების მენეჯერი და ხელშეკრულების ინსპექტირებაზე პასუხისმგებელი პირი, „სახელმწიფო შესყიდვების შესახებ“ საქართველოს კანონის მე-8 მუხლის საფუძველზე ვადასტურებთ, რომ არ გვაქვს ინტერესთა კონფლიქტი ბეჭდვითი მომსახურების შესყიდვაზე მომწოდებელთან: შპს არტპალასი ს/ნ 406076561

ზაზა აბულაძე




ადმინისტრაციის ხელმძღვანელის  
მოვალეობის შემსრულებელი

გიორგი სალადიშვილი



შესყიდვების მენეჯერი

ჯაბა სიხარულიძე



ხელშეკრულების ინსპექტირებაზე  
პასუხისმგებელი პირი